



Na osnovu člana 61. Pravilnika o organiziranju i realizaciji izleta, studijskih posjeta, ekskurzija, kampovanja/logorovanja, društveno korisnog rada, Škole u prirodi i drugih oblika odgojno-obrazovnog rada u osnovnoj i srednjoj školi (Službene novine Kantona Sarajevo br. 15/22), JU “Sedma osnovna škola” Ilidža, na sjednici Nastavničkog vijeća održanoj dana 06. 04. 2023. godine, d o n o s i:

ETIČKI KODEKS ŠKOLE U PRIRODI

I UVOD

1. Etički kodeks predstavlja skup načela, prava i obaveza kojima se određuju međuljudski odnosi svih učesnika izleta, ekskurzija, kampovanja/logorovanja, društveno korisnog rada, Škole u prirodi, Škole plivanja, studijskih posjeta.
Etički kodeks predstavlja skup zajedničkih vrijednosti društveno prihvatljivih oblika ponašanja koje neposredni faktori odgojno- obrazovnog rada uvažavaju u svom djelovanju.
2. Cilj etičkog kodeksa je poticanje razumijevanja i prihvaćanje temeljnih načela moralno opravdanog ponašanja i njihovu primjenu.

II PRAVILA I OBAVEZE PONAŠANJA UČESNIKA ŠKOLE U PRIRODI

1. Učenici

- a) Svi učenici škole su obavezni pohađati Školu u prirodi, ukoliko su sredstva za finansiranje osigurana u Budžetu Kantona Sarajevo, u suprotnom se Škola u prirodi relizuju na principu dobrovoljnosti;
- b) Učenici su dužni da se ponašaju odgovorno, da budu tačni i ispunjavaju svih zadatih obaveza;
- c) Učenici, a posebno učenice treba da se pristojno oblače, te da vode računa o urednosti i ličnoj higijeni.
- d) Učenici su dužni i obavezni da prate i učestvuju u svim aktivnostima tokom realizacije Škole u prirodi, a planirane ponudom turističke agencije ili isplanirane Izvedbenim planom i programom;
- e) Tokom realizacije Škole u prirodi učenici su dužni i obavezni da se ponašaju pristojno i na društveno prihvatljivi način (i za vrijeme putovanja i tokom realizacije aktivnosti oblika odgojno-obrazovnog rada). Zabranjen je bilo koji oblik neprihvatljivog ponašanja (guranje, štipkanje, udaranje, verbalno vrijeđanje, fizičko nasilje, psovanje, seksualno uznemiravanje i dr.)



- f) Učenici su obavezni da poštuju druge učenike, nastavnike, vođu puta, vozača, zaposlenike Turističke agencije, hotelsko i ugostiteljsko osoblje i druga lica sa kojima stupaju u komunikaciju;
- g) Učenici treba da pažljivo postupaju i da paze da ne oštete ličnu i imovinu drugih učesnika ili inventar i imovinu hotela i drugih ugostiteljskih objekata, autobusa i slično;
- h) Učenici su dužni i obavezni da vode računa o ličnim stvarima (prtljag, novac, mobitel, foto aparat, nakit i druge vrijedne stvari);
- i) Za vrijeme boravka u hotelu učenici treba da se pridržavaju Kućnog reda:
 - poštuju vrijeme spavanja;
 - poštuju vrijeme dnevnih obroka;
 - da obezbijede mir i tišinu, da ne uznemiravaju osoblje i druge goste hotela;
 - ne puštaju muziku ili glasno komuniciraju;
- j) Po povratku sa Škole u prirodi učenici su obavezni da ponesu sve svoje lične stvari, da ne ostavljaju nered u prostorijama u kojima su boravili;
- k) Zabranjeno je konzumiranje duhana, alkohola i opojnih sredstava;
- l) Zabranjeno je udaljavanje i osamostaljivanje učenika bez odobrenja nastavnika ili vođe puta;
- m) Zabranjeni su odlasci na neprikladna i osamljena mjesta;
- n) Zabranjena je komunikacija sa nepoznatim osobama, uzimanje bilo kakvih sredstava i predmeta od istih ili ulazak u njihov lični automobil;
- o) Nije dozvoljen bilo koji vid uznemiravanja ostalih učesnika, a koji pridonosi stvaranju neugodnih i neprijateljskih odnosa, zastrašivanja, vrijeđanja i ponižavanja;
- nj) Po povratku sa aktivnosti koje se realizuju u prirodu učenici će sav otpad ponijeti sa sobom ili će zajedničkim aktivnostima pod nadzorom nastavnika ili vođe puta, sakupiti sav otpad i odložiti ga na mjesto predviđeno za odlaganje otpada;
- p) Kod realizacije aktivnosti u prirodi učenici su dužni da se odgovorno odnose prema prirodnim ljepotama, da ne uništavaju biljke i ugrožavaju život životinja, ne pale vatru, ne bacaju smeće, ne uništavaju klupe i mjesta za odmor, ne konzumiraju nepoznate biljke, plodove i gljive;
- q) Učenici imaju pravo i obavezu da učestvuju u evaluaciji rada zaposlenika i evaluaciji uspješnosti Škole u prirodi;
- r) Učenici imaju pravo da budu upoznati sa Etičkim kodeksom na časovima odjeljske zajednice ili časovima redovne nastave i obavezu ponašanja učenika u skladu sa istim.



2. Nastavnici, vođa puta i ostali zaposlenici škole

- a) Nastavnici, vođa puta i ostali zaposlenici škole su dužni da vode brigu o učenicima, njihovoj bezbjednosti i zdravstvenom stanju;
- b) Nastavnici, vođa puta i ostali zaposlenici škole su dužni da zaštite učenike i ne dozvole nepoželjni uticaj drugih osoba (navođenje na konzumiranje duhana, alkohola, opojnih sredstava ili drugi oblik neprihvatljivog ponašanja);
- c) Nastavnici, vođa puta i ostali zaposlenici škole su dužni da spriječe bilo koji oblik neprihvatljivog ponašanja učenika;
- d) Odnos nastavnika, vođe puta i ostalih zaposlenika škole prema učenicima i drugim učesnicima mora biti profesionalan, nepristrasan i pristojan;
- e) Nastavnici, vođa puta i ostali zaposlenici škole se trebaju ponašati u skladu sa načelom jednakosti i pravednosti prema svim učenicima;
- f) Od nastavnika, vođe puta i ostalih zaposlenika škole se očekuje odgovorno, savjesno i etički;
- g) besprijevano ispunjavanje svih obaveza prema učenicima i ostalim učesnicima oblika odgojno-obrazovnog rada;
- h) Nastavnici, vođe puta i ostali zaposlenici škole su dužni i obavezni da osiguraju tajnost podataka o zdravstvenom stanju i drugim specijalnim potrebama učenika, poštujući njihovu privatnost;
- i) Zabranjeno je konzumiranje alkohola i opojnih sredstava nastavnicima, vođi puta i drugim zaposlenicima škole;
- j) Nastavnici, vođa puta i ostali zaposlenici su dužni da se ponašaju odgovorno i da komuniciraju na očekivan način.

3. Roditelji/staratelji učenika

- a) Roditelj /staratelj ima pravo da bude informisan da je Škola u prirodi specifičan oblik odgojno- obrazovnog rada van učionice i da je obavezan za sve učenik;
- b) Roditelj /staratelj ima pravo da na roditeljskom sastanku bude obaviješten o izboru najpovoljnije ponude, sadržaju aktivnosti, mjestu realizacije, kompletnom aranžmanu Škole u prirodi.



- c) Roditelji/staratelji su dužni da poštuju ličnost učenika, nastavnika, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu;
- d) Odnos roditelja/staratelja prema nastavnicima, vođi puta i ostalim zaposlenicima škole treba da bude tolerantan, pristojan i uvažavajući, a s ciljem ostvarivanja dobrobiti za dijete;
- e) Roditelji/staratelji su dužni da blagovremeno upoznaju razrednika ili druge nosioce Škole u prirodi o zdravstvenom stanju, sklonostima učenika ili nekoj drugoj posebnoj potrebi učenika, te eventualno o terapiji koju učenik koristi;
- f) Roditelj/staratelj je dužan da razredniku dostavi ljekarski nalaz specijaliste, koji izdaje javna zdravstvena ustanova, ukoliko učenik iz zdravstvenih razloga ne može učestvovati u realizaciji Škole u prirodi;
- g) Roditelji su obavezni da nadoknade troškove, ukoliko učenik prouzrokuje štetu tokom realizacije bilo kojeg oblika odgojno-obrazovnog rada;
- h) Roditelji/staratelji imaju pravo učešća u predlaganju sadržaja Izvedbenih planova i programa, a preko Vijeća roditelja.
- i) Roditelji/staratelji imaju pravo da budu upoznati sa Etičkim kodeksom na roditeljskim sastancima.

4. Zaposlenici Turističke agencije

- a) Zaposlenici Turističke agencije su dužni da poštuju ličnost učenika, nastavnika, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu;
- b) Zaposlenici Turističke agencije, animatori, kustosi i dr. su obavezni da sve aktivnosti planirane ponudom i turističkim aranžmanom budu prilagođene psihofizičkim sposobnostima učenika i ciljevima odgojno-obrazovnog rada;
- c) Odnos zaposlenika Agencije prema učenicima, nastavnicima, vođi puta i drugim zaposlenicima škole mora biti profesionalan, pristojan, uvažavajući;
- d) Agencija je obavezna da preduzme sve aktivnosti u cilju ostvarivanja zdravstvene i druge zaštite učenika, te obezbijedi sigurno i bezbjedno realizovanje Škole u prirodi;
- e) Agencija je obavezna osigura tajnost podataka o zdravstvenim i drugim specifičnim potrebama učenika;
- f) Agencije du dužne da osiguraju zabranu točenja alkohola i drugih nedozvoljenih sredstava učesnicima Škole u prirodi, kao i posjete učesnika sobama drugih lica koja se ne nalaze na spisku.



III PRAVILA MEĐUSOBNE KOMUNIKACIJE

- a) Svi učesnici Škole u prirodi su dužni i obavezni da se ophode uljudno i da poštuju jedni druge;
- b) Zabranjena je svaka vrsta uvreda, psovki, omalovažavanja, vrijeđanja među učesnicima Škole u prirodi ili upotreba fizičkog nasilja;
- c) Zabranjena je bilo koja vrsta diskriminacije i neprijateljstava među učesnicima Škole u prirodi.

IV VRIJEME REALIZACIJE AKTIVNOSTI

- a) Škola u prirodi po pravilu se realizuje tokom jeseni ili proljeća;
- b) Sve aktivnosti Škole u prirodi, uključujući i prijevoz moraju biti realizovane do 24 sata;

V TAJNOST PODATAKA

- a) Obaveza škole i Agencije je da osiguraju tajnost podataka o zdravstvenom stanju i drugim specifičnim potrebama učenika;

VI ZABRANA OSAMOSTALJIVANJA

- a) Zabranjuje se osamostaljivanje učenika od grupe učenika i nastavnika, a bez dozvole i odobrenja nastavnika vođe puta i drugih zaposlenika škole;
- b) Zabranjuje se osamostaljivanje vozača, vodiča, nastavnika, vođe puta, drugih zaposlenika škole, kustosa i sl. sa manje od tri učenika;
- c) Zabranjeno je učenicima da posjećuju neprikladna i osmaljena mjesta

VII ZABRANA DISKRIMINACIJE I UZNEMIRAVANJA

- a) Zabranjen je bilo koji oblik diskriminacije učenika i drugih učesnika Škole u prirodi a prema vjerskoj, nacionalnoj, spolnoj, rasnoj osnovi, tjelesnom izgledu, zdravstvenom stanju ili bilo kojoj drugoj osnovi;



- b) Učesnici škole u prirodi ne smiju biti podložni predrasudama koje mogu dovesti do neobjektivnosti i diskriminacije;
- c) Zabranjen je svaki oblik uznemiravanja drugih učesnika. Pod uznemiravanjem se podrazumijeva svaki verbalni, neverbalni ili fizički čin koji drugu osobu zastrašuje, vrijeđa, ponižava;
- d) Zabranjen je bilo koji oblik seksualnog uznemiravanja, a podrazumijeva se neželjeno upućivanje verbalnih ili fizičkih prijedloga seksualne prirode drugoj osobi, iznošenje seksualno obojenih šala i opaski ili bilo koji drugi oblik ponašanja koji je seksualno obojen;

VIII ZAVRŠNE ODREDBE

- a) Škola ima obavezu upoznati sve faktore/učesnike Škole u prirodi sa Etičkim kodeksom;
- b) Kršenje odredbi Etičkog kodeksa bilo kojeg oblika odgojno-obrazovnog rada iz Pravilnika predstavlja osnov za pokretanje disciplinskog postupka za prekršioce (učenike i nastavnike), odnosno jedan je od razloga za neispunjavanje minimalnih kvalifikacijskih zahtjeva za Agencije – ponuđače.

Broj: 522/23

Datum: 06. 04. 2023.


Direktor škole
/Čopra Hikmet, dipl. Ing. maš./